

Cumissiun da cultura Trun



Muossavia

Cuntegn

I.	Determinaziuns generalas	3
a.	Num e sedia	3
b.	Intent	3
c.	Instrumentari.....	3
II.	Organisaziun	3
a.	Cumposiziun	3
b.	Structura	3
c.	Sedutas	3
d.	Conclus.....	3
e.	Votaziuns.....	3
f.	Reglamentaziun da sutscriziun	3
III.	Finanzas	3
a.	Expensas.....	3
b.	Entradas	4
c.	Cumpetenza finanziaria	4
d.	Onn da gestiun	4
IV.	Duers e cumpetenzas	4
a.	Pensums.....	4
b.	Cumpetenzas	4

I. Determinaziuns generalas

a. Num e sedia

Cun il num „Cumissiun da cultura“, suadont numnada cumissiun, exista ina grappa da lavur el senn d'ina cumissiun cun sedia en la vischnaunca da Trun.

b. Intent

Igl intent dalla cumissiun ei da promover, sustener ed animar la cultura en la vischnaunca da Trun.

c. Instrumentari

Quei intent sa vegnir realisaus entras suadonts instruments:

- Sustegn finanziel
- Promoziun da collaboraziuns
- Collaboraziun cun auters (uniuns, gremis etc.)
- Intermediaziun
- Atgna realisaziun da projects (en rama dil pusseivel)

II. Organisaziun

a. Cumposiziun

La cumissiun secumpona silmeins ord ils suadonts commembers:

- Gerau digl uffeci per cultura
- 2 commembers dil cussegl da vischnaunca

Il gerau ei ex officio commember dalla cumissiun. Ils commembers ord il cussegl da vischnaunca vegnan elegi da tal per ina perioda da 3 onns. Ulteriurs commembers san medemamein vegni elegi per ina perioda da 3 onns.

b. Structura

Il gerau surpren il presidi dalla cumissiun. Vinavon san in vicepresident ed in protocollist vegni elegi, quei schai en mauns alla cumposiziun actuala.

c. Sedutas

La cumissiun vegn convocada dil president dalla cumissiun, aschisavens sco las fatschentas pretendan.

d. Conclus

La cumissiun ei cumpetenta da decider, sche pli che la mesadad dils commembers ein presents. Mintga commember ei obligaus da votar.

e. Votaziuns

La cumissiun pren sias decisiuns cun maun pli. Per tuttas decisiuns vala il pli absolut dils commembers presents.

f. Reglamentaziun da suttascripziun

La suttascripziun legalmein valeivla cumpeta al president dalla cumissiun collectiv cun in auter commember dil cussegl.

III. Finanzas

a. Expensas

La cumissiun finanziescha:

- Damondas da susteniment en connex cun cultura, sche quellas portan sin ina moda u l'otra moda in gudogn alla vischnaunca
- Damondas da susteniment en connex cun cultura che han liug en emprema lingia en vischnaunca

b. Entradas

La cumissiun da cultura ha negina finamira da rendita. Eventuals cuosts finanziescha la cumissiun entras:

- in budget per occurrenz, fixaus el preventiv annual dalla vischnaunca, sin consentiment dalla suprastanza communal
- in eventual surpli d'entradas a caschun d'occurrenz

c. Cumpetenzza finanziaria

La cumissiun ha negina cumpetenzza sur dil budget d'occurrenz fixaus el preventiv annual da vischnaunca. Scadina expensa finanziaria sto obtenir il consentiment dalla suprastanza communal.

d. Onn da gestiun

Sco onn da gestiun vala igl onn calendraric (1-1 – 31-12).

IV. Duers e cumpetenzas

a. Pensums

La cumissiun ha suandonts pensums:

- Decider davart damondas da sustegn finanziel entras la cumissiun, aschiditg che quellas survagan buca il preventiv
- Interceder denter uniuns, privats e fundaziuns tenor igl intent dalla cumissiun
- Promover la cultura indigena entras agens projects
- Elaborar e menar in inventari cultural dalla vischnaunca

b. Cumpetenzas

Igl intent sco era ils duers ed ils pensums dalla cumissiun ein fixai en negina lescha. Ord quei motiv cumpeta alla cumissiun maun liber en la realisaziun da lur pensums.

Elavurau 2018